



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTA 0021048 21  
Sarajevo, 31.10.2022. godine

Na osnovu člana 35. stav 2. tačke e) i člana 216. stav 3. ZKP-a BiH,  
donosim:

NAREDBU  
o nesprovođenju istrage

Neće se provesti istraga po dostavljenom Obavještenju od strane Policije Brčko-Distrikta BiH, vezano za telefonski poziv od strane anonimne [REDACTED], koja prijavljuje lice [REDACTED], za njegovo pisanje na društvenoj mreži „Tviter“, pod imenom [REDACTED] da se u Srebrenici nije desio genocid.

O b r a z l o ž e n j e

Dana 16.08.2021. godine, Policija Brčko-Distrikta BiH dostavila je Obavještenje u kojem se navodi da je dana [REDACTED] obratila se anonimna [REDACTED] i prijavila lice po imenu [REDACTED], da je na društvenoj mreži „Tviter“, pod imenom [REDACTED], da je pisao da se u Srebrenici nije desio genocid. Uz navedeno Obavještenje dostavljena je službena zabilješka Policije Brčko-Distrikta BiH, Jedinica kriminalističke policije, broj: [REDACTED] od 06.08.2021. godine.

Iz službene zabilješke Policije Brčko-Distrikta, Jedinica kriminalističke policije, od 06.08.2021. godine proizilazi da je sačinjena dana 06.08.2021. godine u prostorijama Policije Brčko-Distrikta BiH, po prijavi [REDACTED], a vezano za postupanje po prijavi anonimne [REDACTED] da se ne poštuje Zakon o negiranju genocida u Srebrenici.

Dana [REDACTED], Policiji Brčko-Distrikta BiH, se obratila anonimna [REDACTED] i prijavila lice po imenu [REDACTED] da na društvenoj mreži „Tviter“ pod korsničkim imenom [REDACTED], piše da se u Srebrenici nije desio genocid, nakon čega je prekinula telefonsku vezu.

*Na okolnosti dobijene informacije Policijski službenik JKP Brčko Distrikta BiH, je izvršio provjere u IDEEA bazi podataka, gdje je utvrđeno da na području Brčko Distrikta [REDACTED] prijavljena [REDACTED] lica sa navedenim imenom. Na okolnosti utvrđenih podataka, pripadnici Policije Brčko-Distrikta BiH, zaduženi za informatičku podršku su pokušali izvršiti provjere za navedena lica na društvenoj mreži „Tviter“, kojom prilikom je utvrđeno da se ne može izvršiti nikakva provjera podataka, koje je dao podnosilac prijave, jer se radi o privatnim profilima te je pristup tim informacijama nedostupan.*

*Na osnovu gore izloženog, dostavljenog Obavještenja od strane Policije Brčko-Distrikta, vezano za anonimni telefonski poziv, te provjere u IDEEA bazi podataka, proizilazi da ovo tužilaštvo nalazi da nema dokaza za osnove sumnje za počinjenje krivičnog djela, te je odlučeno da se dalja istraga neće voditi, pa je donesena odluka kao u dispozitivu naredbe.*

**TUŽILAC**  
**TUŽILAŠTVA – TUŽITELJSTVA BiH**